


說部叢書第三集第廿八編

哥 昏 女 記



商務印書館發行

奇婚記

第一章

風吹幕動室中二人相向立一爲少年神色倉皇似有所冀其一人年事稍長夷然似無所動於中者彼此互視各不作語已而少年先啓齒曰先生以函見招下今應命來矣消息或非惡乎蓋少年知面已立者乃紐約律師領袖密斯脫本孫故詞意備極謙摎而爲狀至恭且不知招之來果有何事見教也本孫曰密斯脫泰爾我二人既屬同業則在此間所談者理當祕不外洩君自理會無待余之諄囑也泰爾曰然本孫命之坐二人乃各據案一隅而坐泰爾雖嘗聞本孫之名固未識荆是日始爲晤面之第一次也於是竊觀其容止見其人面色冷峭凜然若不可犯足使託彼辦事之人生其信任不疑之心而雙眸炯炯狀至機警又足使證人望而生畏惟時本孫曰吾料君殆急欲知吾所以速君來之故乎泰爾曰適如君言本孫注視其身一若爲語甚長不知從何處說起者乃以巾拂拭眼鏡

似藉此助其籌思已而卒然問曰君未娶乎泰爾曰未也曰需錢乎泰爾聞言不禁慙然以彼雖貧固不食嗟來食者方欲報以惡聲已乃故抑其氣曰近狀殊窘曰君亦欲得十萬鎊否乎此問之入於其耳也一若槍彈之貫其胸念彼何以此相戲迨觀本孫之面又不類嘲己者遂自語曰吾欲否得十萬鎊耶語時狀至紆緩本孫曰然泰爾笑曰今請先面其人及其證人本孫曰無需也吾之此語並非使君往劫人財亦非使君冒罪而行泰爾曰雖然爲術正恐相等試問果何如事者本孫移其榻進前低語曰須以明日結婚泰爾聞言懵然不知所謂曰吾從何得妻者曰我將爲君言之本孫至此知其計已售語乃若懸河滔滔下矣

曰其事乃如是明日正午當有一中年人攜一女郎來此間與君結婚但此女郎厚幕蒙面君不得啓視卽禮成後君亦不得見其面婚書已寫就我爲證人迨君署名時則女郎署名處當以紙覆之不使君見君亦不得強起揭視且不許設法圖見女郎面也迨署名訖則十萬鎊屬君矣換言之卽苟不犯彼條件所規定者

可立得此鉅款也。條件之時效爲五年。屆其時。彼女郎必呈請離婚。而君亦可自由另擇人而娶也。泰爾聞言且聽且笑。自亦不知彼如是弄我。當以何者相報。報以軒渠抑以唾罵也。然反觀本孫之面。似是實語而非戲言。乃曰其條件若何。曰條件良簡而易行。此十萬鎊者並非舉以與君當貯諸脫拉斯。君年得其百分之五。子金卽五千鎊也。女郎禮成後行將他去。君不得追蹤其何往。且不得探問此事之真因。苟不然者。吾輩則有對待之法。在卽苟違犯此條件一次者。無論出於有意與否。君當失其存款五分之一。故苟犯至五次者。則一文非復君有矣。如是吾不直爲人監視耶。曰然。特此無何不便於君。並非使偵探常尾君。後使君鎮日不寧也。君所當行者卽要行。所無事一若無此婚姻之存在如是足矣。泰爾聞之疑信參半。終恐此中有蹊蹺處。乃曰君等何以得知吾犯條件否乎。本孫曰此節吾不能爲君言之。泰爾曰此事何以必以我入選乎。本孫曰此亦不能爲君言之者也。泰爾於是綜合適之所聞曰若是吾知此事爲何如事矣。卽使我娶一素

未謀面之女。郎禮成而散。迨五年後。坐得十萬磅。但不許見其面。且不許刺取此事之真因。非歟。曰。適如君言。曰。如是。吾且須以吾之人格。及將來付此孤注矣。本孫曰。否。君無所失也。此事正與尋常貿易無異。君苟不犯彼條件。則五年而後。安獲巨款。何損於人格。至於將來。則自有因此而獲益。更無損之可言也。

泰爾曰。特是此中。必有奸人詭計。不然。天下之人。安有以此等簡單條件而輕易擲此巨金者。曰。否。此中並無奸人。亦無詭計。我敢爲君誓言。本孫既對於泰爾反對之論。加以駁擊。使其無辭。於是乃進而應其許諾。曰。此真療貧之好機會。語曰。雖有鎡基。不如待時。今其時至矣。利用與否。是在君矣。須知逾明日十二點之一秒。此機卽逝。駟馬難追。讀者當知泰爾志向遠大。頗欲守其業。自立於世。非若彼乞兒之思暴富者也。以彼之材力。不患不成名。特其時未至。爾不幸執業數年。依然故我。所得者。惟經濟拮据。近則此境已不可得。債主在門。急於星火矣。如是觀之。此機誠不可失。然以彼之清高自賞。又雅不欲作此齷齪事。尤恐女郎而果大。

家。閨。秀。也。則。對。於。圖。財。而。娶。之。人。必。將。鄙。之。不。齒。而。一。思。及。鉅。款。心。旌。又。復。搖。搖。於。是。允。拒。二。字。交。戰。胸。中。允。之。耶。則。條。件。可。羞。拒。之。耶。則。金。錢。可。愛。反。覆。思。維。畢。竟。不。能。立。斷。也。乃。曰。是。誠。重。大。犧。牲。句。本。孫。曰。犧。牲。耶。吾。敢。言。君。無。所。犧。牲。也。泰。爾。曰。吾。適。設。想。女。郎。爲。何。等。人。曰。此。不。勞。君。過。慮。者。也。須。知。此。事。非。出。幻。想。乃。幾。經。審。議。而。後。出。之。者。也。尙。有。一。節。吾。幾。忘。之。卽。君。署。名。後。可。立。得。第。一。年。應。得。之。數。明。日。午。十。二。點。君。享。有。五。千。磅。矣。曰。然。則。君。可。於。彼。時。聽。吾。決。詞。耶。曰。可。曰。甚。善。君。於。明。日。午。時。得。吾。答。詞。可。也。言。已。而。行。心。神。恹。恍。如。在。夢。中。也。

第二章

泰。爾。者。年。少。而。有。大。志。者。也。嘗。謂。人。生。聲。名。富。貴。當。以。己。之。材。力。成。之。至。於。本。孫。之。言。直。非。夢。想。所。及。迨。一。歸。己。室。家。徒。四。壁。立。父。母。早。沒。告。貸。無。門。而。彼。十。萬。磅。之。金。錢。又。耀。於。眼。簾。矣。瞥。觀。案。上。置。一。短。箋。其。文。曰。苟。不。將。此。三。來。復。寄。宿。費。見。付。者。明。日。速。離。此。室。不。禁。取。而。擲。諸。地。上。喟。然。嘆。曰。彼。之。此。來。誠。得。其。時。哉。蓋。彼。

所欠寄宿費爲數可四十磅矣。四十磅雖不云鉅然以無恆產之人當之則正非細比。且居停見嚇之言要非空言所能唐塞。至是不期自語曰。苟我允彼婚姻者。吾事不卽濟乎。此等婚姻僅爲形式。別無夫婦關係。至於條件不准見女之面。此着正佳。吾寧不見其人。待禮成後得彼鉅款一償。夙逋吾更可自由交際矣。於是輾轉反側。竟夕未得交睫。翌晨興起則兩目內陷矣。方欲就食。適遇女居停向之憤憤言曰。今日吾必得錢。不能久候矣。否則還我之房。泰爾曰。今日下午錢與房並以奉上。居停聞言立易其詞曰。吾何嘗願客他去。但君須知吾亦需錢。日用所需惟房金是恃。泰爾曰。密昔斯處境之窘吾亦知之。今日下午必如數納付。曰。特是君既有錢。又何勞他徙乎。苟君以吾之力索爲慢客者。句曰。非此之謂。吾欲遷往少佳之所耳。將至世界俱樂部賃一室居之。居停聞之駭然訝其驟富也。言次泰爾遂出。至本孫之居途中忐忑殊甚。深恐昨日之事中變。或已取消。怦怦然入本孫之室。本孫曰。吾固知君之必來也。刻下僅十一點五十分。可至我退閒。

室少待泰爾。覲然隨之。至退閒室。擇一隅坐。胸中思潮起伏。肺葉相擊。作響。乃以手力按之。使弗躍。而本孫則直未之見。若無事然。已而時將屆矣。泰爾遂又設想新娘之狀。不知彼裝束若何。年齡若何。面貌美否。且不知彼之出此假婚。基何理由。於是問本孫曰。吾尙有一語奉詢。諒無不答。曰。何者。曰。不知彼女郎何以甘願作此傀儡。吾意句本孫曰。速屏此念。吾已嘗爲君言。此中無詭計也。泰爾默然。無法可施。惟自語曰。此老狐蠱人之術毒哉。彼竟玩我於掌中。彼蓋能利用我之弱點。故使我終允之也。但何以不他人而必需我耶。

方欲再問。繼思。昨日本孫之言。遂不復語。靜坐以俟。直至袖爲人牽動。始如夢初醒。知時至矣。遂隨本孫出。見一女郎。倚於門側。服灰色旅行之衣。手上綴白色手套。面上覆以重簾。泰爾竭其目力以視。終不得其面貌。何似。繼女郎之後入者。爲一中年人。舉止恭順。爲狀似僕。又若人之記室。泰爾惟時狀殊踧踖。不寧。而女則似不知有泰爾在場者。以手援本孫。本孫卽與之作耳語。細不可辨。已而指泰爾。

曰。是爲密斯脫。泰爾女微領其首。又若以目向泰爾而視者。泰爾頰立頰若受斥之學童。少間聞本孫曰。二人彼此皆已會意。卽請署名。言已以筆授女。女立署名。其上作書絕疾。署已。本孫取吸墨紙覆之。復以筆授泰爾。泰爾見女署名。訖疑慮盡失。取筆用力書之本孫及彼中年人亦並署名爲證。人禮成本孫曰。吾今宣告爾二人。今爲夫婦矣。言已疊婚書貯諸屜中。泰爾曰。吾二人今乃句言。未已。本孫曰。愼之。君之出言均有價值者也。遂與女郎點首。女郎卽出。中年人隨其後。行迨門闔。本孫卽出五千磅之支票一紙授諸泰爾。曰。少年人今日之事畢矣。而泰爾此時之心理似美人重於金錢。見彼面蒙綠紗之美人其來也無端去也無蹤。此生不得復見。則大動急奪門而出。顧女郎之摩託車時已去遠。惟僅得其號數耳。乃記之片紙上。匆匆赴銀行提款。

第三章

自是而後泰爾爽然若有所失者累月。外觀雖煥然一新衣履入時而中心之苦。

正自不可言。喻終日兩目直視。迷離愴恍。如在夢中。一日故友加登謂之曰。君近有何事。縈心者終日。皇皇如在夢中。果何所苦。耶。泰爾曰。吾亦不自知。吾果何所苦也。惟覺此心如失。指南針之航搖搖。無主。要有所寄。始佳。爾加登曰。君必有一事。縈於腦際。爲其所困。不能自脫。蓋君自得錢後。卽成是狀。雖彼缺乏常識之婦孺。亦見及此矣。泰爾曰。吾近得奇遇。異日將爲君詳言。吾今爲勢所縛。乃不得妄洩一語。五年後。吾苟不在瘋人院。佔一席地者。必使君得大光明也。加登曰。事之不幸。乃如是乎。君其情海失意人耶。試問彼女爲誰者。泰爾聞言。顏色立變。如死灰。一若二萬磅之金錢。隨此語以俱去者。急曰。請君勿逼我。使言我已與人有約。背之者。罰加登曰。若是。吾不之強矣。今且至脫拉司克之肆。何如。二人遂同出。至第五街。脫拉司克肆甫拾級登。忽聞馬蹄得得如急雨。雜以婦女號哭聲。至慘厲。二人急回顧。見雙馬之車。奮足疾馳。颯然如御風。御者已不知何往。車之側門大開。車中似一婦人。翹其一足。似欲下躍者。迨車來已近。相距有三十碼之際。泰爾

急竄身下當街心而立屹然不動奔馬至前立趨道左而泰爾適攬得韁轡不幸皮紐脫手去急退躍足幸不受傷遂向車中女大呼曰勿躍勿躍迨立定後見韁繩蠕蠕然拖曳地上乃逕前奔以左手力推女車中闔其門而以右手攬得韁繩復撻其鬣力握之於是馬奔少止而易爲穩健步伐矣

於時街上之御者圍卒十數人並前相助或握韁轡或以手拍馬之鼻孔促其噉以息其風泰爾見此時已無慮乃往視車中之女至則女已下矣玉軀顫動不止雙頰如灰螭螭之領酥胸香肩並皆慘白如象牙喉中哽咽之聲猶未已也泰爾乃扶之行至一平坦處於時觀者雲集爭欲讚美其勇爲泰爾見加登亦在人叢中乃呼之使前以照料之責付彼而自歸脫拉司克肆中藉避衆人之環視彼之出此蓋亦有故非畏人之讚美也深恐此一方面受人之諛而同時己之婚事亦將爲人知不免受人之諷是以避之若浼循是彼救之女郎事後之狀已乃一不知之知而有待於加登加登曰老友吾眞佩汝彼女美而豔天人不啻也泰爾如不

之聞曰君送之歸家乎加登曰家乎句否吾偕之來此間耳泰爾呶呶曰彼亦爲此間客耶若是則逼吾滋甚復憤憤曰君爲何不前執其韁止彼狂奔之馬耶吾滋願沒人叢中雅不欲爲萬目睽睽之的也加登曰君不之欲耶此何故者泰爾不知所答惟曰吾不能加登曰君之此舉非出自由意志耶加登曰我之出此乃不能自制使吾少思索者……

聞有人曰其結果亦無所異言者爲一婦人泰爾愕然回顧則知言者爲肆主婦密昔斯脫拉司克也密昔斯續曰使少思者君當仍出此舉泰爾曰密昔斯之言殊佳但吾昔在大學時彼技擊家之所爲有難此十百倍者密昔斯曰否鬪力與俠義不同吾眞不知何以表吾謝意君不知吾之愛密斯新克蕾爲何若也泰爾至此始知己所救之女郎名新克蕾於是坐而沈思是女曾否前見密昔斯續曰密斯之生涯半在海外來此僅十餘日蓋有要事也彼現在書室待君相見藉表其謝忱吾當爲君先導言已導泰爾上樓逕入書室泰爾入時見女起迎密昔斯

爲二人介紹已遽出女曰吾良不知何以謝君泰爾曰胡足挂齒今勿復言謝言次二人之目平視矣泰爾自覺此狀殊不衷禮不禁赧然曰吾句吾不能不驚密斯之美也女聞言笑容立斂曰吾等可下樓去二人遂同下各不一語惟恐破此清寂者泰爾坐對美人飽餐秀色中心愉快匪言所罄而一仰視間則見本孫隔席坐與人懽語對於密斯尤恭謹無違觀其狀知彼二人非初識於此可斷言也而彼密斯脫拉司克者故意使泰爾與密斯共坐不少離而其出於此也似出於本孫之主使

惟時泰爾坐於美人之側而咫尺外別有一可畏之人聲息可接則立爲之蹶蹶不寧矣少焉女忽問曰請以君之身世爲吾言之吾甚欲知救我者之事蹟也泰爾曰無可言者吾特碌碌之輩爾女曰我意君律師乎曰無人過問之律師也然密斯胡以猜及是女笑曰密斯脫加登途中爲吾言之泰爾曰然則密斯之身世何如耶吾聞密斯脫拉司克言密斯來此僅十餘日女曰然吾半生皆在海外

也。泰爾曰：汝以爲歐洲較美洲若何？女曰：吾於祖國一無所知，不敢下斷語也。泰爾曰：汝欲長居此乎？女曰：此則看情勢如何。吾不能自主也。泰爾聞言至此，斜睨本孫，見其聳其一耳，故作諦聽。一外國人談冒險事，泰爾曰：吾欲問其情勢爲何？諒不以非禮見怪。女曰：是無用也。泰爾曰：吾最喜聞祕密難解之事，其涉及美人者，尤所樂聞。女曰：吾亦有同嗜，尤喜其中有俠義男兒者。泰爾曰：特惜吾之所經，殊無祕密可言。女曰：即使無何祕密，然除律師外，卽無一他事可見告乎？泰爾曰：吾在大學時，角技頗負盛名。女曰：是亦平常事。泰爾冒然曰：凡人必有一段隱事，不能告人者。雖對於至友，亦不提一字。女曰：君亦有一段隱事乎？泰爾自思吾陷阱中矣，然仍力自擺脫，曰：無之言時，復睨本孫，觀其狀似未嘗注意者。女曰：吾不知何故，但覺君在此，殊形不寧。吾亦知吾之言此殊乖禮法，然竟夕此念未嘗去懷也。泰爾注視女面，觀其神色，何若？曰：苟吾形不寧者，其理亦至易明。卽當汝注意他人時，吾卽覺不快也。女曰：此卽其唯一理由乎？泰爾不答。女遂往，與他客跳。

舞矣。而泰爾亦不之嫉。且喜得此餘暇。略事思索。於是得一結論。卽此女郎非彼。未謀面之妻。卽屬本孫主使之。人故意誘已甘言。藉陷其術中。而犯彼條件二者。必居其一也。默思未已。忽覺有人拍其肩曰。是真不幸。救彼女者。乃爲君言者。蓋本孫也。泰爾聞言。心房跳躍不已。曰。何者。本孫曰如是。彼對於一句泰爾曰。彼自知之本孫曰。請勿無事自擾。此中並無不利之事。惟當切記此時。君爲已有室家之人。可也。泰爾曰。然則彼卽吾妻乎。言甫出口。知事敗矣。不禁血爲之冷。似置身冰天雪地中。轉視本孫。愧不可仰。本孫莊重言曰。二萬磅！君須慎言。否則其數可一夕盡也。

第四章

泰爾倒身沙發中。暗詛本孫不已。且自咎。孟浪繼思。二萬磅雖去。仍餘八萬磅。尙爲我有氣。乃復振仰視。見密昔斯新克。奮鵠立門際。翹首四望。狀若尋人。泰爾起而謂之曰。容吾相助否。女伸其玉手曰。我今行矣。在此覓君思。再伸吾謝意。密斯

脫泰爾吾甚感君行再相見泰爾曰固所願也言次緊握女手女急縮回泰爾自謂彼之縮手羞耶抑守禮耶然又安知本孫不爲彼言吾之貪財而娶故彼遂鄙夷我也目送其行呆然癡立加登自後來謂之曰老友君今陷身情海矣泰爾怒目視之曰是何言歟吾之未衷情於人亦正如君加登曰特吾則距海邊不遠矣吾已與之跳舞一次行將探取其行止泰爾聞言大樂方欲作答見本孫正冷眼視已彼伴女郎之中年人立于其側語乃止不發遂引其友之裾曰加登吾等可行加登曰女郎已去在此良無味矣二人遂取冠杖行甫至廣廳見彼中年人亦預備行尙有所待者二人旣出泰爾曰我等其少待乃藏身陰處適對其肆見門啓一婦人先出中年人隨之同車而去加登曰是彼耶（謂新克蕾）泰爾不答立奔加登乃不之及氣咻咻然直低俱樂部喘始息曰君何力奔若是泰爾曰吾未嘗奔也言已直趨己室入而闔其門去衣就枕藉凝心神而拋卸日間之事顧欲眠未能女郎之倩影仍映於眼際而一時尤難入睡復披衣起拔關而出惟時夜

色深沉寂無聲息。一警士見之。謂之曰。何事耶。深夜中。君乃不喜家居耶。泰爾曰。吾中夜醒。煩燥之至。故外出一吸取空氣耳。無意中探手衣袋中。似有所覓。警士見之。乃曰。君有所遺失耶。泰爾若有所觸。探手上衣袋中。取名刺一觀。其背面所記之號數。點首若有所得。急反身歸俱樂部。加登曰。君適何往者。泰爾曰。外出吸取空氣也。

今晨君有要事乎。加登曰。無之。泰爾曰。能爲我理事一事乎。加登曰。苟不需重大勞力者。無不樂爲。役泰爾曰。君非摩托車俱樂部部員乎。加登曰。然。曰。凡得官中允許之車。不有一清冊在部中乎。加登曰。我意理當有之。泰爾將名刺背上之號數。另繕一紙授諸加登。曰。請爲我一察。是爲誰氏車者。加登曰。君確知其數爲不誤耶。曰。然。加登曰。此車之號數。諒與密斯新克蕾無涉。泰爾曰。關涉與否。亦正難言。但君果探聽有所得者。吾尙有要事須句。加登曰。爲事頗重要乎。泰爾曰。重要之至。加登曰。吾不知君何自苦。乃爾須知飽食終日。無所用心。殊非所宜。君須有。